

MARÍA JOSÉ VÁZQUEZ BERMÚDEZ, Animadora Cultural do Departamento de Cultura, a petición da Mesa de contratación, para a tramitación da adxudicación por procedemento aberto, oferta económica mais vantaxosa do Servizo de Escolas Culturais do Concello de Ames, emite o seguinte,

## **INFORME**

### **1.-CRITERIOS DE ADXUDICACIÓN**

Para a valoración das propostas técnicas formuladas polas distintas empresas licitadoras, tívose en conta, tal e como se recolle no PREGO DE PRESCRICIÓN TÉCNICAS QUE REXERÁN A CONTRATACIÓN DO SERVIZO DE ESCOLAS CULTURAI DO CONCELLO DE AMES, criterios non avaliábeis de forma automática, referencias técnicas. Estas escolas impartiranse por lotes de forma independente, polo que a valoración será específica por cada lote.

#### **20.5.-Criterios de valoración**

##### **a) criterios Subxectivos**

*Criterios non avaliábeis de forma automática. Referencias, máximo 50 puntos.*

*Neste apartado valoraranse os seguintes aspectos:*

- 1.-Plan de traballo e metodoloxía a seguir dentro das diferentes actividades propostas. Ata un máximo de 15 puntos.*
- 2.-Preparación técnica e experiencia profesional do persoal que se vai adscribir ao servizo ata un máximo de 20 puntos.*
- 3.-Medios materiais e técnicos para a prestación do servizo ata un máximo de 5 puntos.*
- 4.-Como incremento da actividade innovadora sen custo adicional para o concello, proposta pola empresa adxudicataria, destinada ao mesmo tipo de poboación. Ata un máximo de 5 puntos*
- 5.-Por organización e celebración dalgún tipo de evento de carácter extraordinario relacionado coas escolas culturais municipais sen custo adicional para o concello, ata un máximo de 5 puntos.*

## 2.-VALORACIÓN DE CADA PROPOSTA

### LOTE 1: ESCOLA DE ARTES PLÁSTICAS

- ESPROADE SL

A proposta desta empresa adaptase na súa totalidade aos criterios avaliábeis, tanto para a actividade de arte miúda coma para a de manualidades. A memoria que presenta contempla o plan de traballo e a metodoloxía a seguir de forma moi xeneralizada e non fai practicamente diferenza entre a actividade de manualidades dirixida a maiores de 16 anos e arte miúda dirixida a participantes de entre 3-6 anos. Parte dunha metodoloxía, activa, participativa, lúdica, divertida, grupal, integradora, flexible, comunicativa, educativa, socializadora, baseada na motivación e no respecto, a formación e sempre adaptada ás particularidades de cada grupo pero mantendo a liña común de acción das persoas monitoras, combinando o traballo individual e persoal con tarefas en pequenos grupos, intercambio de experiencias, etc. Presenta un esbozo do plan de actividades a desenvolver, tendo en conta a realidade particular de cada grupo de persoas, a experiencia que teñan de cursos anteriores, o grao de madurez, a homoxeneidade do grupo, etc. Quedan sen especificar os contidos e actividades a desenvolver nas diferentes sesións e os materiais que deberán aportar os participantes.

En canto a preparación técnica e experiencia profesional do persoal que se vai adscribir ao servizo, presenta dous perfís profesionais axeitados para a execución das actividades, no seu currículum figura formación e experiencia laboral para o desenvolvemento das actividades da Escola de Artes Plásticas. En canto aos medios materiais e técnicos a empresa expresa de forma xeral que todos os medios técnicos e materiais á disposición do programa. Para a elaboración de informes, memorias ou traballos en xeral que necesiten soporte informático, a empresa conta cunha oficina técnica equipada correctamente para o persoal de Esproade S.L. Para as actividades ou reunións con usuarios/as e outras necesidades semellantes, o persoal utilizará aquelas dependencias do Concello designadas a tales efectos pola Dirección Técnica Municipal. Porá a disposición do servizo, materiais para a montaxe da exposición, taboleiros de porexpán, telas de sobremesa e foco de iluminación. En canto ao persoal ademais dos monitores de cada actividade conta cun O/a Coordinador/a Técnico que será a persoa de contacto entre a empresa, a Dirección Técnica Municipal e o persoal que imparte as actividades. Especificase tamén na memoria as funcións e responsabilidades do persoal. Non menciona ningunha actividade innovadora sen custo adicional para o concello. Propón como actividade de fin de curso, formúlase un acto que recolla o traballo realizado durante todo o curso nas diferentes actividades da Escola de Artes Plásticas, montaxe dunha exposición e unha mostra audiovisual de todo o curso.

|                         |                         |                        |                        |                        |
|-------------------------|-------------------------|------------------------|------------------------|------------------------|
| CRITERIO 1<br>10 PUNTOS | CRITERIO 2<br>18 PUNTOS | CRITERIO 3<br>5 PUNTOS | CRITERIO 4<br>0 PUNTOS | CRITERIO 5<br>2 PUNTOS |
| TOTAL 35                |                         |                        |                        |                        |

- SERVIPLUSTOTAL SL

Na memoria descriptiva que presenta esta empresa fai referencia a todos e cada un dos criterios avaliados sinalados no Prego de Prescricións técnicas. En canto ao plan de traballo a seguir dentro da Escola de Artes Plásticas Artes Plásticas as persoas participantes perfeccionarán e aprenderán distintas técnicas de artes plásticas, pintura, modelado, traballo con madeira, teas, papel, adaptándose ás idades, destrezas e coñecementos das persoas participantes. Aínda que o programa pormenorizado o porá a disposición do concello con anterioridade ao inicio da actividade, xa menciona algúns dos contidos e fai diferenza entre os dous obradoiros. Describe un modelo organizativo e de funcionamento do servizo interesante, baseado nunha planificación axeitada a cada unha das fases previstas na execución do servizo, accións preparatorias, previas á execución do servizo, que atinxe a instalacións, persoal, programacións, etc, a fase de execución que se caracteriza pola necesidade de flexibilidade e capacidade de re-adaptación aos cambios imprevistos que se vaian dando. Logo na fase de seguimento a empresa recollerá información de maneira continua ao longo da intervención, coa finalidade de ir adaptando a mesma ás necesidades do servizo e das persoas destinatarias. E por último a avaliación que lle permitirá, entre outros aspectos, mellorar as actividades. Parte dunha metodoloxía activa e participativa na cal a persoa participante é, en todo momento, a auténtica protagonista sendo a principal creadora da actividade. As actividades serán específicas e sempre dirixidas ás necesidades e características e coñecementos, así como á idade dos/as participantes, (nenos/as, mozos/as e persoas adultas) atendendo de maneira específica ás individualidades dentro do grupo.

En canto a preparación técnica e experiencia profesional do persoal que se vai a adscribir ao servizo, a empresa describe un organigrama do equipo profesional para garantir o axeitado desenvolvemento do servizo, así como as funcións, e o currículo da persoa que desenvolverá a Escola de Artes Plásticas, no que figura formación en comunicación audiovisual e ilustración basicamente, e non consta que teña experiencia laboral en impartir obradoiros de artes plásticas.

Para a realización das actividades, a empresa dotará ao servizo do material necesario para garantir o bo funcionamento das mesmas. A empresa conta cos medios técnicos informáticos necesarios para realizar as labores propias do contrato, ordenadores, Programas Informáticos, Impresoras, Acceso a internet. Así mesmo, contan no equipo humano cun Técnico Informático para garantir o bo funcionamento e a actualización constante ás ferramentas innovadoras. Non menciona ningunha actividade innovadora sen custo adicional para o concello. Como evento de carácter extraordinario, a empresa comprométese a organizar a clausura das Escolas Culturais, con entrega de agasallos, diplomas de participación e festa de final de curso para todos os participantes. Así mesmo, no marco da festa de clausura, organizará unha exposición dos traballos elaborados nos obradoiros .

|                         |                         |                        |                        |                        |
|-------------------------|-------------------------|------------------------|------------------------|------------------------|
| CRITERIO 1<br>13 PUNTOS | CRITERIO 2<br>15 PUNTOS | CRITERIO 3<br>5 PUNTOS | CRITERIO 4<br>0 PUNTOS | CRITERIO 5<br>3 PUNTOS |
| TOTAL 36 PUNTOS         |                         |                        |                        |                        |

- AXOUXERE DEPORTE E ANIMACIÓN

Esta empresa presenta unha memoria descritiva na que se contemplan todos e cada un dos criterios avaliados sinalados no Prego de Prescricións técnicas. A proposta de actividades, e a metodoloxía de traballo baséana na aprendizaxe por descubrimento e significativa, axustándose ao perfil dos participantes en cada grupo, en función da idade (Infantil ou maiores de 16 anos) e das características individuais de cada un, tendo en conta aos participantes con dificultades significativas de aprendizaxe. Presentan unha planificación flexible e dinámica de actividades con diversos materiais e técnicas que coordinan conxuntamente propostas de pintura; traballando sobre soporte plano en diferentes superficies, que poden ir dende soportes de papel, tela ou madeira, a escultura e modelado, fomentando a expresión artística tridimensional/espacial, pasando incluso pola encadernación (xaponesa, india), o gravado (linóleo, punta seca, xilografía...), ou introdución á Restauración de Obras de arte ca aprendizaxe incluso do dourado e do prateado. A diferenza das anteriores empresas estrutura os contidos de cada obradoiros por bloques, especificando e explicando as características e técnicas de cada bloque graficamente e con ilustracións. Isto é moi interesante para coñecer mellor os distintos traballos que se van realizar ao longo do curso e poder informar as persoas que estean interesadas. Contempla tamén esta memoria a introdución de temas transversais nas actividades, a reflexión sobre principios, comportamentos, feitos e actitudes que deben formar parte da educación integral do individuo. En canto á preparación técnica e experiencia profesional do persoal que se vai a adscribir ao servizo, a empresa presenta o currículo da persoa que desenvolverá a Escola de Artes Plásticas no que figura formación relacionada coas artes plásticas e experiencia neste tipo de actividades. Tamén declara que no caso de non disposición da traballadora proposta na data de realización do servizo substituirase por outra con titulacións e formación necesaria para levalo a cabo. A empresa proporcionará unha serie de materiais, tanto funxibles, de refugallo, audiovisuais e informáticos para o desenvolvemento da Escola. Incremento de actividade innovadora sen custo adicional para o concello, propón facer unha reunión informativa coas familias, seguimento das actividades nas redes sociais, BLOG das actividades de artes plásticas, e-mail de suxestións e un Diaporama o Slideshow, montaxe de fotos con música que irán elaborando ao longo do curso. Destaca esta oferta, con respecto as dúas anteriores na organización e celebración dalgún evento de carácter extraordinario relacionado coas Escolas Culturais Municipais sen custo adicional para o concello, pois a parte da cerimonia de clausura, entrega de diplomas e exposición propoñen dúas actividades interesantes, visita dun contacontos con unha actividade especial que falara sobre a arte no mundo dos cadros. Esta actividade irá dirixida ós nenos/as de 3 a 6 anos e será unha sesión en Bertamiráns e outra en O Milladoiro. E outra actividade co grupo de maiores de 16 anos a arte do Graffiti, traballar e cubrir unha superficie determinada suxerida polos técnicos municipais.

|                         |                         |                        |                        |                        |
|-------------------------|-------------------------|------------------------|------------------------|------------------------|
| CRITERIO 1<br>15 PUNTOS | CRITERIO 2<br>18 PUNTOS | CRITERIO 3<br>5 PUNTOS | CRITERIO 4<br>2 PUNTOS | CRITERIO 5<br>5 PUNTOS |
| TOTAL 45 PUNTOS         |                         |                        |                        |                        |

LOTE 2: ESCOLA DE BAILE

- ESPROADE

Esta empresa presenta unha memoria descritiva da escola de Baile, cuns obxectivos e metodoloxía que se adaptan totalmente aos reflectidos no prego de prescricións técnicas. Baséanse sobre todo para desenvolver os contidos nunha metodoloxía global, intentando, de tódolos xeitos, que sexa o alumno o propio protagonista da súa aprendizaxe, evitando que se sinta como un mero repetidor de estruturas rítmicas máis ou menos definidas. Empregarán danzas colectivas e as formas xogadas como recurso para a ensinanza dos bailes de salón. Independentemente dos contidos a desenvolver cada sesións estará organizada por secuencias. Terán sempre en conta a experiencia anterior destas persoas, o número de persoas por grupo e a súa homoxeneidade, o grado de madurez, desenvolvemento e capacidade de progresión de cada unha destas persoas e do grupo no que se enmarca. Presenta unha serie de perfís profesionais axeitados para a execución das actividades, e declara que o persoal proposto ten acreditada a súa solvencia profesional teórico - práctica no campo de traballo no que se encadra o servizo. O currículo e axeitado para o desenvolvemento da escola. Ademais do monitor de baile tamén contan con persoal de coordinación e na memoria especificase as tarefas e funcións e responsabilidades de cada un deles. En canto aos medios materiais Esproade S.L. porá a disposición do servizo, equipo de amplificación de son e equipo de micrófono inalámbrico, a parte de procurar tamén soporte e material informático. Como melloras sen coste adicional propoñen unha Master Class de Baile Deportivo a cargo dun profesional especializado que consistirá nunha clase técnica de dúas modalidades de baile de salón, especializada e dirixida a complementar a formación do alumnado da Escola . Como organización e celebración dalgún tipo de evento extraordinario relacionado coa escola propoñen como actividade de fin de curso, un acto que recolla o traballo realizado durante todo o curso nas diferentes actividades da Escola Baile e unha exhibición con coreografías dos diferentes bailes.

|                         |                         |                        |                        |                        |
|-------------------------|-------------------------|------------------------|------------------------|------------------------|
| CRITERIO 1<br>15 PUNTOS | CRITERIO 2<br>20 PUNTOS | CRITERIO 3<br>5 PUNTOS | CRITERIO 4<br>5 PUNTOS | CRITERIO 5<br>5 PUNTOS |
| TOTAL 50 PUNTOS         |                         |                        |                        |                        |

- SERVIPLUSTOTAL SL

A memoria que presenta esta empresa fai referencia, a todos e cada un dos puntos sinalados no Prego de Prescricións Administrativas do servizo. Presenta un plan de traballo xeral, que contén uns obxectivos, uns contidos estruturados en varios elementos como serán o ritmo, tempo, pasos básicos, coreografías e un modelos organizativo e de funcionamento baseado nunha planificación axeitada antes, durante e ao finalizar o servizo. A metodoloxía activa e participativa na cal a persoa participante é, en todo momento, a auténtica protagonista sendo a principal creadora da actividade. As actividades están adaptadas ás idades e coñecementos das persoas participantes.

A empresa conta cun equipo de profesionais para o correcto desenvolvemento do servizo, e aporta o currículum do profesional que vai levar a cabo a actividade, que contén formación e experiencia laboral axeitada. A empresa garante a existencia dos medios materiais e técnicos necesarios para a execución do servizo, aínda que so especifica medios técnicos informáticos. A empresa non aporta ningunha actividade innovadora sen custo adicional para o concello. No referente a organización de eventos de carácter extraordinario, a empresa comprométese a organizar os eventos de clausura, con entrega de agasallos, diplomas de participación e festa de final de curso para todos os participantes. Así mesmo, no marco desta festa de clausura, organizará unha exhibición de baile.

|                         |                         |                        |                        |                        |
|-------------------------|-------------------------|------------------------|------------------------|------------------------|
| CRITERIO 1<br>10 PUNTOS | CRITERIO 2<br>20 PUNTOS | CRITERIO 3<br>2 PUNTOS | CRITERIO 4<br>0 PUNTOS | CRITERIO 5<br>3 PUNTOS |
| TOTAL 35 PUNTOS         |                         |                        |                        |                        |

### LOTE 3 : ESCOLA DE TEATRO

- SERVIPLUSTOTAL SL

Partindo das liñas de actuación sinaladas no Prego de Prescricións Administrativas, esta empresa propón un plan de traballo para cada grupo de idade, cuns obxectivos, contidos e metodoloxía diferenciados só nalgúns aspectos. Os contidos aínda que serán comúns tanto para o grupo de 3-6 anos como para o grupo de 7-11 anos, adaptaranse ao nivel de desenvolvemento e necesidades diferenciadas de cada un deles. Estrutura as sesións dos obradoiros de teatro infantil e xogo dramático e o de Expresión dramática en varias secuencias. Tamén propón de forma xeneralizada unha planificación do servizo antes, durante e ao finalizar o mesmo. En canto ao Grupo Municipal, especifica que o resultado final será a montaxe e representación dunha obra teatral, e establecen un cronograma de traballo ao longo do curso.

A empresa conta cun equipo de profesionais para o correcto desenvolvemento do servizo a nivel administrativo, e aporta o currículum dunha soa persoa que vai levar a cabo a actividade, que contén formación e experiencia laboral axeitada.

A empresa garante a existencia dos medios materiais e técnicos necesarios para a execución do servizo, aínda que so especifica medios técnicos informáticos. A empresa non aporta ningunha actividade innovadora sen custo adicional para o concello. No referente a organización de eventos de carácter extraordinario, a empresa comprométese a organizar os eventos de clausura, con entrega de agasallos, diplomas de participación e festa de final de curso para todos os participantes.

|                         |                         |                        |                        |                        |
|-------------------------|-------------------------|------------------------|------------------------|------------------------|
| CRITERIO 1<br>10 PUNTOS | CRITERIO 2<br>18 PUNTOS | CRITERIO 3<br>0 PUNTOS | CRITERIO 4<br>0 PUNTOS | CRITERIO 5<br>0 PUNTOS |
| TOTAL 28 PUNTOS         |                         |                        |                        |                        |

- **PRODUCCIONES TEATRAIS TALIA SL**

Esta empresa presenta unha memoria descriptiva na que se contemplan todos e cada un dos criterios avaliados sinalados no Prego de Prescricións técnica, pero ademais describen os antecedentes da empresa onde se pode constatar a súa traxectoria no ámbito específico do teatro. Como produtora, abordando proxectos que van máis alá do puro entretemento, textos sólidos que falan da condición humana e que queren provocar a reflexión ao redor de diferentes temáticas, e a través da formación teatral desenvolvendo obradoiros formativos enfocados á difusión de ferramentas teatrais, desenvolvendo técnicas que contribúan á promoción do teatro, ao mesmo tempo que se utiliza como un instrumento no campo educativo e social.

A empresa propón un plan de traballo e metodoloxía ben diferenciado para cada grupo proposto no Prego de Prescricións técnicas. A hora de desenvolver unha clase basicamente todas seguen o mesmo patrón, pero as actividades propostas adaptaranse as diferentes idades. Estrutura o curso en diferentes fases. No caso de teatro infantil e xogo dramático e expresión dramática, nunha primeira fase farán un traballo de desinhibición e dotación de ferramentas de comunicación para conseguir que as rapazas e os rapaces sexan capaces de desenvolver todo o seu potencial. Nunha segunda fase centraranse na creación de personaxes e improvisación, e a terceira fase estará orientada a creación de historias. No caso do Grupo Municipal realizaran, traballos de concentración, expresión corporal e traballo de improvisación, traballos de técnica vocal e trabalo de texto teatral. Un dos moitos puntos fortes que a empresa describe na memoria é o equipo de profesionais cos que conta, cunha formación especificamente no campo teatral, tanto a nivel actoral, como de dirección, de xestión de espazos escénicos, e unha gran experiencia na escena teatral e na impartición de obradoiros de teatro. A empresa conta cunha ampla relación de materiais e recursos (iluminación, son, escenografía, vestuario e atrezzo) que pon ao servizo da escola de teatro municipal para á

actividade regular das escolas de teatro e ás estreas dos distintos grupos. Así mesmo conta con unha furgoneta FORD TRANSIT CARROZADA coa que realizar traslados de escenografías.

A empresa propón unha serie de melloras , nas que inclúen actividades innovadoras e a celebración de eventos extraordinarios tal como se describen a continuación:

- Asesoría técnica para os espazos escénicos municipais.
- Asesoría artística para as programacións teatrais do concello.
- Asesoramento técnico e artístico na produción Mostra de teatro afeccionado e outros eventos culturais do Concello de Ames.
- Cesión de materiais e recursos (iluminación, son, escenografía, vestuario, atrezzo,...) que pon ao servizo da escola de cara ás estreas dos distintos grupos das escolas municipais.
- Promover a realización de actividades metateatrais por parte dos participantes nas escolas de teatro, realizando a coordinación das accións e promovendo a participación na vida cultural do concello. Por exemplo, no Nadal (O Apalpador,...), no Antroido, nos maíos, ...
- Realización de 2 funcións do repertorio da compañía (previamente contratado polo concello) dirixidas a público escolar, a acordar entre as persoas responsables da programación e a compañía, seguidas dun coloquio cos espectadores.
- Accións teatrais e informativas de promoción das actividades teatrais nos centros de ensino secundaria.

|                         |                         |                        |                        |                        |
|-------------------------|-------------------------|------------------------|------------------------|------------------------|
| CRITERIO 1<br>15 PUNTOS | CRITERIO 2<br>20 PUNTOS | CRITERIO 3<br>5 PUNTOS | CRITERIO 4<br>5 PUNTOS | CRITERIO 5<br>5 PUNTOS |
| TOTAL 50 PUNTOS         |                         |                        |                        |                        |

### 3.-RESULTADO DA VALORACIÓN

| EMPRESA                         | PUNTUACIÓN<br>LOTE 1 | PUNTUACIÓN<br>LOTE 2 | PUNTUACIÓN<br>LOTE 3 |
|---------------------------------|----------------------|----------------------|----------------------|
| AXOUXERE DEPORTE E ANIMACIÓN SL | 45                   |                      |                      |
| ESPROADE SL                     | 35                   | 50                   |                      |
| PRODUCCIÓNS TEATRAIS TALÍA SL   |                      |                      | 50                   |
| SERVIPLUSTOTAL SL               | 36                   | 35                   | 28                   |

Ames a 07 de setembro de 2017

Asdo: María José Vázquez Bermúdez



